



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.490/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Ramush Bardiqi kryesues, Kutim Pasuli dhe Hidajete Gashi Alaj anëtarë, duke vendosur përkitazi me ankesat: e Subjektit Politik Lidhja Demokratike e Kosovës (LDK) me seli në Prishtinë, paraqitur kundër subjektit politik, Lëvizja Vetëvendosje LVV, me seli në Prishtinë, për shkak të shkeljeve Kodit të Mirësjelljes për Subjektet Politike, Mbështetësit e tyre dhe Kandidatët, në ditën e votimit, për Zgjedhjet e Përgjithshme për Kuvendin e Republikës së Kosovës, në seancën e panelit të mbajtur më datë 12.02.2025, merr këtë:

V E N D I M

I.PRANOHET e BAZUAR ankesa: Anr.490/2025 e datës 09.02.2025, e parashtruar nga Subjekti Politik Lidhja Demokratike e Kosovës (LDK), me seli në Prishtinë.

II. Subjektit politik Lëvizja Vetëvendosje (LVV), me seli Komuna Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, në ditën e votimit, i shqiptohet dënimi më gjorbë në lartësi prej 1,000.00Euro (njëmijë Euro).

III. Detyrohet Subjekti politik Lëvizja Vetëvendosje (LVV), me seli në Komuna Prishtinë, që gjorbën e shqiptuar si në pikën -II-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

A r s y e t i m

Me datën 09.02.2025, PZAP-i, ka pranuar një ankesë Subjektit Politik Lidhja Demokratike e Kosovës (LDK), në të cilën pretendon se mbështetësit nga radhët e LVV-se, Faton Geci, ka bërë postim në rrjetin social facebook, dhe ka bërë thirrje për votim. Sipas parashtruesit të ankesës Subjekti Politik LVV dhe mbështetësi në fjalë me këtë veprime kanë bërë shkelje të nenit 37 paragrafi 1, nën paragrafi 1.2 i LZP-se dhe nenin 8, paragrafi 1, nën paragrafi 1.5 i Rregullores Zgjedhore 07/2024.

Si provë ankesës ja ka bashkangjitur postimin që dëshmon shkeljen e tillë në ditën e zgjedhjeve.

Në përgjigje në ankesa Subjekti Politik LVV, ka theksuar se personi në fjalë nga prova e bashkangjitur është mbështetës i partisë LVV, nga fakti se ka shpalosur numrin e partisë dhe se i njëjti nuk ka qenë në dijeni se veprimi i tillë është i ndaluar. Po ashtu në përgjigje në ankesë theksojnë se LVV kane bere përpjekje maksimale që anëtareve, aktivisteve, kandidatëve si dhe gjithë mbështetësve t'ua rikujtojnë veprimet e ndaluara ne ditën e zgjedhjeve , mirëpo thirrja e tillë nuk ka mundur te adresohet te të gjithë për arsye se është shume i gjerë domeni i përkrahësve. Andaj kërkojmë nga PZAP-i që shkeljes ti jep karakter minor duke pasur parasysh rrethanat e lartcekura, ndërsa ankesën ta refuzoj si te pa bazuar.

PZAP-i, pasi që shqyrtoj dhe vlerësoi ankesën gjeti se :

-Ankesa është e bazuar.

Paneli pas shikimit të shkresave të lëndës dhe përgjigjes në ankesë të paraqitur nga Subjekti Politik LVV, vlerësoj se pretendimet e Subjekti Politik LDK, janë të bazuara dhe si të tilla i aprovoj për faktin se veprimet e përshkruara në ankesë paraqesin shkelje të dispozitës së nenit 37 paragrafi 1 nën paragrafi 1.1 i Ligjit NR.08/L-228, për Zgjedhjet e Përgjithshme në Republikën e Kosovës, ku parashihet *.”Nga hapja e Qendrave të Votimit për votim, e deri në mbylljen e tyre, subjekteve politike, mbështetësve ose kandidatëve të tyre, u ndalohet secili prej veprimeve si më poshtë:*

1.1. shpërndarja ose shfaqja në mënyrë tjetër në ndonjërin nga Qendrat e Votimit, dhe oborri i së njëjtës, e çfarëdo lloj materiali me qëllim ndikimi te votuesit;

Si dhe nenit 8, paragrafi 1, nën paragrafi 1.5 i Rregullores 07/2024, ku parashihet se Nga hapja e Qendrave të Votimit për votim, e deri në mbylljen e tyre, subjekteve politike, mbështetësve ose kandidatëve të tyre, u ndalohet secili prej veprimeve si më poshtë:

1.5. shfrytëzimi i mediave lokale ose ndërkombëtare dhe rrjeteve sociale me qëllim të ndikimit tek votuesi.

Në përgjigje të ankesës, ku kundërshtohet pretendimi ankimor, se personi në fjalë nga prova e bashkangjitur është mbështetës i partisë LVV, nga fakti se ka shpalosur numrin e partisë dhe se i njëjti nuk ka qenë në dijeni se një veprimi i tillë është i ndaluar gjatë procesit të votimit. Megjithatë, duke u bazuar në provat e paraqitura, paneli ka vlerësuar se nga mbështetësi i Subjektit Politik LVV, postimi është bërë në ditën e votimit, duke ndikuar qëllimisht tek votuesit, edhe pse një veprim i tillë është i ndaluar në ditën e zgjedhjeve.

Paneli ka konsideruar këtë veprim si shkelje të nenit 37, paragrafi 1, nën paragrafi 1.1 të Ligjit nr. 08/L-228 për Zgjedhjet e Përgjithshme në Republikën e Kosovës, pasi veprimi është bërë në vendvotime e që ka për qëllim ndikimin tek votuesit.

Andaj duke u mbështetur në nenin 117.3 të LZP-së ku përcaktohet se: “vendosja për ankesat nga PZAP-ja mbështetet në dëshmi të qarta dhe bindëse”, Paneli vlerësoj se pretendimet në ankesë janë të qëndrueshme dhe si të tilla i pranoi, sepse kjo shkelje ka të bëjë me faktin se veprimi i përshkruar në ankesën e parashtruar është ne kundërshtim me dispozitat e nenit 37 paragrafi 1 nën paragrafi 1.1 i Ligjit NR.08/L-228 dhe nenit 8 paragrafi 1, nen paragrafi 1.2 te Rregullores zgjedhore 07/2024, po ashtu fakti Kodi i Mirësjelljes i detyron të gjitha subjektet

politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë ditës së votimit, veprimet e subjekteve politike të jenë në një atmosferë të tolerancës demokratike, paqes dhe respektit për sundimin e ligjit se nga veprimet e përshkruara në ankesa nga parashtruesit e ankesave paraqesin shkelje të dispozitave të lartcekura, dhe të njëjtat i pranoi si të bazuara.

Paneli, me rastin e vendosjes së gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e lehte të shkeljes si dhe ndikimit të mundshëm të saj në procesin zgjedhor në fjalë. Ndërsa lidhur me pretendimet në përgjigja ankesë se mbështetësit i këtij subjekti nuk ka qene ne dijeni se veprimi i tillë është i ndaluar gjatë procesit të votimit, Paneli vlerëson se mos dija lidhur me shkeljen e tillë nuk e liron nga përgjegjësia, kjo konsiston në faktin se Subjekti Politik LVV ka qenë i njoftuar me obligimet dhe përgjegjësit gjatë procesit të votimit.

Nga arsyet e theksuar më lartë duke bazuar nën 117 paragrafi 3, neni 118 paragrafi 1 dhe neni 120 paragrafi 1 nën paragrafi 1.3 të LZP-së, të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

Anr.490/2025 më datën 12.02.2025



Këshillë Juridike: Kundër këtij vendimi nuk lejohet ankesa në kuptim të nenit 118.4 të LZP-së.